

Sarajevo,

08-02-2022

Broj: 01-11-3-6523

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta KCUS-a (Sl.novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br.0202-14544/17) na prijedlog Komisije za javnu nabavku Izvještaj br. 10-33-4-5956 od 04.02.2022. godine, Generalna direktorica donosi:

ODLUKU

o izboru najpovoljnijeg ponuđača

Prihvata se prijedlog Komisije za „nabavku RTG aparata za potrebe Klinike za plućne bolesti i tuberkulozu KCUS-a“, po Izvještaju br. 10-33-4-5956 od 04.02.2022. godine, nakon provedenog otvorenog postupka javne nabavke, objavljenog na portalu e-nabavke dana 30.12.2021. godine pod brojem 893-1-1-915-3-713/21 i **ugovor dodjeljuje ponuđaču:**

MEDICAL d.o.o. Mostar

- RTG aparat

Tip/model i proizvođač : OPERA RT20“GUITAR”, GMM ITALIJA

Ukupna vrijednost nabavke: 250.000,00 KM bez PDV-a + PDV 42.500,00 KM = 292.500,00 KM sa PDV-om

- Ponudena cijena je nepromjenjiva za cijeli ugovoreni period i izražena u KM i podrazumjeva isporuku, demontažu postojećeg aparata, adaptaciju prostora, isporuku, montažu i puštanje u rad nove opreme i edukaciju osoblja krajnjeg korisnika.
- Uslovi plaćanja: u roku 30 dana od dana demontaže postojećeg uređaja, adaptacije prostora, isporuke nove opreme, montaže, puštanja u rad, edukacije osoblja (u skladu sa uslovima definisanim tenderskom dokumentacijom i odabranom ponudom), te nakon potpisivanja Zapisnika/protokola o primopredaji opreme i ispostavljanja fakture.
- Rok za izvršenje demontaže postojeće opreme i okončanja adaptacije prostora, te isporuke, montaže, puštanja u rad opreme i edukacije osoblja je 60 dana od dana potpisivanja ugovora i prijema narudžbenice izdate od strane ugovornog organa.
- Garantni period/rok: 18 (osamnaest) mjeseci od dana potpisivanja zapisnika/protokola o primopredaji uređaja.

II

Izabrani ponuđač dužan je u roku od 5 (pet) dana od dana prijema ove Odluke, dostaviti original ili ovjerene kopije dokaza tražene tačkom 4.1. Tenderske dokumentacije, ukoliko istu nisu dostavili uz ponudu, u skladu sa dostavljenom Izjavom ponuđača, a ne starijih od 3 mjeseca računajući od momenta predaje ponude.

III

Ova Odluka stupa na snagu danom donošenja i bit će objavljena na web stranici KCUS-a, kao i dostavljena ponuđačima učesnicima u postupku javne nabavke.

O B R A Z L O Ž E N J E

U skladu sa Odlukom Generalne direktorice KCUS-a broj: 58-04-6-60369-1 od 22.12.2021.godine, pokrenut je postupak javne nabavke RTG aparata za potrebe Klinike za plućne bolesti i tuberkulozu KCUS-a. Procijenjena vrijednost nabavke je 250.000,00 KM bez PDV-a. Nabavka je planirana Planom javnih nabavki za 2021. god. pod kategorijom „investicije - robe“ redni br. 12 (Odluka o usvajanju Plana javnih nabavki Kliničkog centra Univerziteta u Sarajevu za 2021. godinu, broj: 31/21 br. protokola 65-04-2-43388/21).

Sredstva za nabavku su obezbjeđena iz namjenskih sredstava Federalnog Ministarstva zdravstva.

Handwritten signature

Klinički centar Univerziteta u Sarajevu je na portalu e-nabavke dana 30.12.2021. godine objavio Obavještenje o nabavci broj: 893-1-1-915-3-713/21, zajedno sa Tenderskom dokumentacijom.

Tendersku dokumentaciju sa portala e-nabavke preuzelo je 10 (deset) potencijalnih ponuđača, a do krajnjeg roka određenog za prijem ponuda, dana 28.01.2022.godine do 11 h i 30 minuta, dostavljene su 2 (dvije) ponude ponuđača, što je evidentirano zapisnikom o zaprimanju ponuda br. 10-04-4-4621 od 28.01.2022.godine:

PODACI IZ PONUDE	1.	2.
Naziv ponuđača	MEDICAL d.o.o. Mostar	BERG d.o.o. Sarajevo
Broj i datum ponude	br.protokola 10-11-3-4526 od 28.01.2022. godine u 08:00 sati	br.protokola 10-11-3-4533 od 28.01.2022.godine u 08:48 sati
Cijena ponude bez PDV-a (KM)	250.000,00	220.000,00

Komisija imenovana Odlukom broj: 48-04-4-4291 od 26.01.2022. godine je izvršila uvid i provjeru svakog dostavljenog dokumenta (Zapisnik o pregledu i ocjeni dostavljenih ponuda br. 10-33-4-5954 od 04.02.2022. godine) i konstatovala sljedeće:

- 1. Ponuda ponuđača MEDICAL d.o.o. Mostar** - ispunjava formalno pravne, tehničke i suštinske zahtjeve, a što se vidi u tabelarnom prikazu, gdje se dostavljena ponuda ocjenjene kao **prihvatljiva i da učestvuje u daljem toku postupka nabavke.**
- 2. Ponuda ponuđača BERG d.o.o. Sarajevo** - je neprihvatljiva iz sljedećih razloga:
 - Za tačku 1.1. Tehničke specifikacije traženo „min.400 KHz visoko frekvencijski inverter tip generator X-zraka za opću radiografiju“ – u rubrici za potvrdu tehničkih karakteristika, ponuđač je obilježio sa „NE“. Pri tom je ponudio visokofrekventni generator od 100 kHz i nije naveo na kojoj stranici u prospektnoj/kataloškoj dokumentaciji se predmetna stavka nalazi.
 - Za tačku 1.7. Tehničke specifikacije traženo „Stol se mora moći spustiti do 42 ili više cm od poda kako bi se smanjila visina i omogućilo jednostavno pozicioniranje za ozlijeđene i pedijatrijske pacijente“ u rubrici za potvrdu tehničkih karakteristika, ponuđač je obilježio sa „NE“. Ponuđač je ponudio pacijent sto koji se može spustiti do 55 cm, što nije u skladu sa zahtjevima iz TD.
 - Za tačku 3.3. Tehničke specifikacije traženo „Uzdužni pomak: najmanje 142 cm „ u rubrici za potvrdu tehničkih karakteristika, ponuđač je obilježio sa „NE“. Ponuđač je ponudio pacijent sto koji ima uzdužni pomak od 110 cm, što nije u skladu sa zahtjevima iz TD.
 - Za tačku 3.4. Tehničke specifikacije traženo „Poprečni pomak: 30 cm ili više“ u rubrici za potvrdu tehničkih karakteristika, ponuđač je obilježio sa „NE“. Ponuđač je ponudio pacijent sto koji ima poprečni pomak od 24 cm, što nije u skladu sa zahtjevima iz TD.
 - Za tačku 3.6. Tehničke specifikacije traženo „Motorizirani vertikalni raspon kretanja (raspon udaljenosti od stola do poda): od 42 do 85 cm ili širi raspon“ u rubrici za potvrdu tehničkih karakteristika, ponuđač je obilježio sa „NE“. Ponuđač je ponudio pacijent sto sa vertikalnim kretanjem od 55 do 90 cm, što nije u skladu sa zahtjevima iz TD.
 - Za tačku 4.1. Tehničke specifikacije traženo „Uzdužni pomak: 131 cm ili više“ u rubrici za potvrdu tehničkih karakteristika, ponuđač je obilježio sa „NE“. Ponuđač je ponudio pacijent sto sa uzdužnim pomakom od 50 cm, što nije u skladu sa zahtjevima iz TD.
 - Za tačku 9.8. Tehničke specifikacije traženo „Spacijalna rezolucija: min 3.6. linija par/mm“ u rubrici za potvrdu tehničkih karakteristika, ponuđač je obilježio sa „NE“. Ponuđač je ponudio detektor sa spacijalnom rezolucijom od 3,5 linija par/mm, što nije u skladu sa zahtjevima iz TD

Iz navedenih razloga ponuda ponuđača BERG d.o.o. Sarajevo je ocijenjena kao neprihvatljiva i ne učestvuje u daljem toku postupka javne nabavke.

Za ovaj postupak javne nabavke planirano je provođenje e-aukcije, ali u skladu sa Pravilnikom o uslovima i načinu korištenja e-aukcije, član 3. Stav 3) u kojem je regulisano kako se e-aukcija ne može provesti u slučaju prijema jedne prihvatljive ponude, predmetni **postupak se okončava u skladu sa članom 69. ZJN.**

Obzirom da je zadovoljena transparentnost i da je cijena jedine prihvatljive ponude u okviru osiguranih sredstava za nabavku, Komisija je Izvještajem br. 10-33-4-5956 od 04.02.2022. godine dala prijedlog da se donese odluka o izboru najpovoljnijeg ponuđača i ugovor za „Nabavku RTG aparata za potrebe Klinike za plućne bolesti i tuberkulozu KCUS-a“ **dodijeli ponuđaču MEDICAL d.o.o. Mostar.**

Prijedlog Komisije je prihvaćen i donosi se odluka kao u dispozitivu



GENERALNA DIREKTORICA
Prof.dr. Sebiya Izetbegović

POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 10 (deset) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđačima;
- Tehnički sektor
- a/a KCUS